

NAMIBIA SENIOR SECONDARY CERTIFICATE

FIRST LANGUAGE SETSWANA ORDINARY LEVEL

6104/3

PAPER 3 Critical Response to a Text

1 hour 20 minutes

Marks 20

2022

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer the **only** question in this paper.
- Write between **250 – 300** words.
- Pay attention to spelling, punctuation and sentence structure.
- The number of marks is given in brackets [] at the end of the question.

DITAELO LE TSHEDIMOSETSO GO BAITHUTI

- Kwala dikarabo mo Bukaneng e o e neetsweng.
- Kwala Nomore ya Sentera, Nomore ya Gago ya bokwadi le Maina a gago mo Bukaneng e o neetsweng.
- Dirisa pene e pududu jwa loapi kgotsa e ntsho.
- O kopiwa gore o seka wa dirisa dipene tse di phimolang fa o fositse.
- Araba **potso** fela mo pampiring e.
- Kwala boleele jwa mafoko a bogareng ga **250 – 300**.
- Tlhokomela mopeleto o o fosegileng, matshwao a puiso le popego ya dipolelo.
- Maduo a neetswe mo masakaneng [] mo bokhutlong jwa potso nngwe le e nngwe kgotsa karolo ya potso.

This document consists of **3** printed pages and **1** blank page.



Republic of Namibia

MINISTRY OF EDUCATION, ARTS AND CULTURE

Buisa tema e e latelang mme morago o arabe dipotso.

Ngwana yo o sa utlweng molao

Sekolo sa Dinokeng se ne se le fa gare ga toropo e bile e le sone fela se se golwane. Bana ba teng ba ne ba dira dilo di gana go fela, e le yone naga e e senang khudutlou, bolobeto ba ipha naga. Ba ne ba dumela fa letsatsi le tshwanetse go aramelwa le sa tllhabile, ka jalo malwapa a bone a fetoga kwa ga Mmapereko ka ba ne ba sa nne le batsadi. Dineo ya nna mongwe wa basetsana ba ba inakantseng le menate ya toropo. Sebe sa phiri ya nna gore ene o ne a sekametse kwa go ba marokgwe. A ba fapaanya ka go rata le go kgona, a lebile one madi.

Go rata madi ga ga Dineo ga mo lebatsa gore mamepe a botshelo a rafiwa jalo, a mangwe a tswa ka dinotshe tse di lomang botlhoko fela thata. Thaka e tshesane fa e bona letshoba, ga e boele morago. Go phirimelelwa lapeng ya nna sereto sa ga Dineo, a nwetse mo tswineng.

Barutabana ka go bona Dineo a ikisa tatlhegong, ba leka go mo oba ka gotwe lore lo ojwa le sale metsi mme ba feleletsa ba tsholeditse diatla. Ka go bona Dineo a sa ba reetse ba latlhela seditse. Ga bidiwa batsadi mme ga seka ga thusa sepe. Phelelong le bone ba mo lemotsha fa ngwana yo o sa utlweng molao wa batsadi, a utlwa wa manong. Dineo a tseisa mafoko a bone phefo, a sa lemoge fa a ineelela e bile a itatla.

Ka gotwe pelo ya motsadi ke moloi, ga go a tsaya sebaka sepe ke fa Dineo a nna le mathata. A tlelwa ke go feroga dibete, go opiwa ke tlhogo, go tswa mokola le go tsewa ke sedidi, a simolola go tlala ka matlho a bagolo. Fa a ya kokelong, ditlhatlhobo tsa supa fa a jela batho ba ba bedi. Fa a re o itsise borre ba a neng a akanya gore ke bone beng ba morwalo, ba a neng a nna a iteega tsebe ka ntlha ya bone ba mo gasetsa diatla. Mongwe le mongwe e le yo o reng, "Semangmang ene?" Tlhogo ya lekgarebe ya simolola go lela ditshipi a sa itse ko a ka yang, fela ga bo go tlile maikotlhao ngwana wa morago.

Dineo ka go lemoga fa a le moipolai yo o sa lelelweng a akanya go begela barutabana mme letswalo la gana. O ne a itse sentle fela gore ga gona yo o tla feleletsang a mo reeditse kana a mo utlwetse botlhoko, ka go ne go lebega mogwang o ile borwa. A fetsa ka go swa senku. Bana ba bangwe ba belaela ka go bona a aperwe ke bodutu mme ba tshaba go gasegelwa ke madi a kgofa, ba se ka ba rata go bua sepe ka le molomo a ne a o rwele morwadie Tsonope. A ingwaba a fela ngwana wa mosetsana ka tsholofelo ya gore seemo se tla mo letla gore a kwale ditlhatlhobo tsa makgaolakgang, kana mme ene o ne a se maswe thata mo dithutong.

Dineo o ne a dula a ithotloetsa gore boimana jwa gagwe ga boye go mo kgoreletsa mabapi le thuto ya gagwe. O ne a tswela ka dithuto le go bala ka tse a neng a rutwa ka tsone go ipaakanyetsa ditlhatlhobo tsa bofelo. Bangwe ba barutabana le barutwana ba ne ba mo tlhomogela pelo ka mathata a gagwe mme le gone ba mo rotloetsa gore a ipaakanye ka mokgwa o fe go dira bontle mo ditlhatlhobong mme ba ba bangwe ba mo kgala ka gore a ne a sa tseye dikgakololo tsa bone tsia.

E ne ya re nako ya ditlhatlhobo e goroga, a inakanya natso a itomile sankatle. Fa a tshwanetse go kwala pampiri ya bofelo, a kubugelwa ke botlhoko jo bo neng jwa mo tlhokisa maitsetsepelo. Ba mo utlwile hela a hirimotsa selelo mme ka bofelo ba bo ba setse ba lemogile gore mathata ke eng. Ba mo ragosetsa kwa kokelong, ya re go ise go ye kae, a bo a amogela phorogotlho ya mosimane, a e bitsa a re Mompoti, ya bo e le mopoti tota ka gore o ne a tsetswe a le nosi fela mo batsading ba gagwe. Mosetsanyana wa rona a tla a di fofile kwa godimo le fa a ne a seka a kwala pampiri ya bofelo. Dineo a lemoga fa botshelo bo le marara. Le ka leno letsatsi o santse a ikana gore ga a kitla a boela magaleng ga bedi, e seng e bile a ka nna, a seka a bona sekolo. Dilo tsa baša ruri!

Mokwadi o bontsha jang mokgwa wa gagwe mo go Dineo mo palong e? Tlhalosa karabo ya gago o remeletse mo puong le diteng tsa palo e.

Dintlha tse di latelang di tshwanetse go go kaela go sekaseka.

- Boitsholo jwa gagwe
- Maikutlo
- Mokgwa o mokwadi a bonagatsang Dineo teng mo setoreng

Boleele jwa karabo ya gago e nne mafoko a a magareng ga **250 – 300**.

[20]

BLANK PAGE

The DNEA acknowledges the usage and reproduction of third party copyright material in the NSSC Assessment, **with and without** permission from the copyright holder. The Namibian Government Copyright Act allows copyright material to be used limitedly and fairly for educational and non-commercial purposes.

The Directorate of National Assessment and Examinations operates under the auspices of the Ministry of Education, Arts and Culture in Namibia.